

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON / KANTON SREDIŠNJA BOSNA
KANTONALNO TUŽILAŠTVO / TUŽITELJSTVO TRAVNIK
Broj predmeta: T06 0 KT 0032797 23
Travnik, 25.03.2024.godine

OPĆINSKOM SUDU U ZENICI

-Sudiji za prethodno saslušanje

Na temelju odredbe člana 45. stav 2 tačka i) i člana 241 stav 1. Zakona o krivičnom postupku Federacije Bosne i Hercegovine, podižem

OPTUŽNICU

Protiv:

- 1. IVAN ĆURO**, rođen 1988.godine
- 2. NIKOLA SPAJIĆ**, rođen 1989.godine

Što su:

1. IVAN ĆURO

Početkom 2018.godine, na području općine Žepče i općine Zenica, radi upotrebe nabavio lažnu javnu ispravu, na način da je kao bivši uposlenik „****“ Žepče gdje je radio na poslovima vezane za proizvodnju, nakon što je imao namjeru poslati prijavu na konkurs za radno mjesto "Stručni saradnik za proizvodnu djelatnost" u Ministarstvu za privredu Zeničko-Dobojskog Kantona na adresu Kučukovići 2, Zenica na kome je jedan od uslova bio i rad u VSS spremi najmanje godinu dana, dogovorio sa Nikolom Spajićem da mu kao direktor firme „****“ d.o.o Žepče-rukovodilac lokacije-plant menager u kojoj je Ivan Ćuro ranije radio, izda takvo uvjerenje, što je i realizovano i tako pribavljeno lažno uvjerenje o radnom iskustvu od jedne godine u VSS spremi broj ***, izdata od „****“ d.o.o na njegovo ime sa navedenim periodom rada od 21.07.2014 do 30.11.2015 godine, te kao takvo i protokolisano u knjizi protokola „****“ d.o.o, Žepče, pa je nakon toga iako je znao da nije obavljao poslove u VSS spremi, odnosno da je navedeno uvjerenje lažno, htijući to, isto i upotrijebio tj. predao Agenciji za državnu službu BiH, u konkursnoj proceduri na javnom konkursu broj *** uz prijavni obrazac, nakon čega je Agencija za državnu službu 25.05.2018.godine dala mišljenja da isti ispunjava uslove za postavljanje na radno mjesto državnog službenika u Ministarstvu za privredu ZDK, gdje je i dana 03.01.2019.godine zasnovao radni odnos.

dakle, lažnu javnu ispravu nabavio i upotrijebio kao pravu.

Čime bi počinio Krivično djelo „Krivotvorenje isprave“ iz člana 373. stav 2. KZ F BiH u vezi sa stavom 1. istoga Zakona.

2. NIKOLA SPAJIĆ

Početkom 2018.godine, na području općine Žepče i općine Zenica, radi upotrebe sačinio lažnu javnu ispravu, na način da je kao ovlaštena osoba u „****“ d.o.o Žepče i to rukovodilac lokacije-plant menager, nakon dogovora sa Ivanom Ćurom koji je imao namjeru poslati prijavu na konkurs za radno mjesto "Stručni saradnik za proizvodnu djelatnost" u Ministarstvu za privredu Zeničko-Dobojskog Kantona na adresu Kučukovići 2, Zenica na kome je jedan od uslova bio i rad u VSS spremi najmanje godinu dana, pristao da mu kao direktor firme „****“ d.o.o Žepče-rukovodilac lokacije-plant menager u kojoj je Ivan Ćuro ranije radio, izda takvo uvjerenje, iako takve podatke u evidencijama nije imao, svjestan da sačinjava javnu ispravu sa neistinitim podacima i htijući to, što je i realizovano i tako sačinjeno lažno uvjerenje o radnom iskustvu od jedne godine u VSS spremi broj ***, izdata od „****“ d.o.o na ime Ivan Ćuro, sa navedenim periodom rada od 21.07.2014 do 30.11.2015 godine i protokolirano u knjizi protokola „****“ d.o.o, Žepče, te predao Ivanu Ćuri koji je nakon toga isto i upotrijebio tj. predao Agenciji za državnu službi BiH, u konkursnoj proceduri na javnom konkursu broj *** uz prijavni obrazac, nakon čega je Agencija za državnu službu 25.05.2018.godine dala mišljenja da isti ispunjava uslove za postavljanje na radno mjesto državnog službenika u Ministarstvu za privredu ZDK, gdje je i dana 03.01.2019.godine zasnovao radni odnos.

dakle, radi upotrebe sačinio lažnu javnu ispravu.

Čime bi počinio Krivično djelo „Krivotvorenje isprave“ iz člana 373. stav 2. KZ F BiH u vezi sa stavom 1. istog Zakona.

Shodno odredbi člana 78. KZ F BiH privremeno oduzeti predmeti – uvjerenje broj *** izdato od „****“ d.o.o Žepče se trajno oduzima radi uništenja.

KANTONALNI TUŽILAC